

**I – AKTI OPĆINSKOG VIJEĆA**

Na osnovu člana 6. Zakona o građevinskom zemljištu Federacije Bosne i Hercegovine («Službene novine FBiH», broj 67/05), člana 13.stav 2.alineja 8.Zakona o principima lokalne samouprave u Federaciji BiH («Službene novine FBiH», broj 49/06), člana 3.stav 1. Odluke o zauzimanju javnih površina («Službeni glasnik Općine Zavidovići», broj 3/2009-prečišćeni tekst) i člana 25. stav 1. tačka 10. Statuta općine Zavidovići («Službeni glasnik Općine Zavidovići», broj 5/2008 i 5/a/2008), Općinsko vijeće Zavidovići na 32.sjednici održanoj dana 31.03.2011.godine, donijelo je

**O D L U K U****o usvajanju Plana privremenog zauzimanja javne površine za 2011.godinu****Član 1.**

Usvaja se Plan privremenog zauzimanja javnih površina ispred ugostiteljskih radnji, ispred trgovačkih radnji, postavljanja kioska i postavljanja štandova za prodaju bostana, sezonskog voća i povrća za 2011. godinu.

**Član 2.**

Rješenje za privremeno zauzimanje javne površine ispred ugostiteljskih radnji izdaju se na privremeni period od 15. aprila do 01.novembra 2011 godine.

Rješenje za privremeno zauzimanje javne površine ispred trgovačkih radnji izdaju se na period od 01.januara 2011. godine do 31.decembra 2011. godine.

Rješenje za privremeno zauzimanje javne površine za prodaju bostana i sezonskog voća i povrća izdaju se na privremeni period od 15.aprila do 30. novembra 2011. godine.

Rješenje za zauzimanje javne površine u svrhu postavljanja kioska izdaje se na period od 5 godina u skladu sa Odlukom o zauzimanju javnih površina.

**Član 3.**

Podnosiocu zahtjeva neće se izdati odobrenja za privremeno zauzimanje javne površine u slijedećim slučajevima:

- ukoliko uz zahtjev ne dostavi dokaz o izmirenim obavezama po osnovu naknade za zauzimanje javne površine, komunalne naknade za finansiranje komunalnih djelatnosti zajedničke potrošnje na općini Zavidovići, naknade za korištenje gradskog građevinskog zemljišta, naknade za finansiranje zaštite od požara općine Zavidovići zaključno sa 31.12.2010.godine,

- ukoliko kiosk, štand, ljetna bašta i prostor za izlaganje nisu predviđeni i usklađeni sa Planom privremenog zauzimanja javne površine u 2011 godini.

**Član 4.**

Za provođenje ove Odluke zadužuje se Služba za upravu poljoprivrede, vodoprivrede i komunalnih poslova.

**Član 5.**

Sastavi dio ove Odluke je Plan privremenog zauzimanja javnih površina sa grafičkim priložima pod A, B, C i D.

**Član 6.**

Ova Odluka stupa na snagu prvog narednog dana od dana objavljivanja u „Službenom glasniku općine Zavidovići“, a primjenjuje se od 01.01.2011. godine.

OPĆINA ZAVIDOVIĆI

- OPĆINSKO VIJEĆE -

Broj: 01-23-173/11

Datum, 31.03.2011.godine

PREDSJEDAVALAČI

OPĆINSKOG VIJEĆA

ing.Radosav Petrović, s.r.

(M.P.)